



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბასილი ბაგრატიძე

ბასილი ბაგრატიძე, XI ს. ნახ. საეკლესიო მოღვაწე, მწერალი.

მასზე ძუნწი ბიოგრაფიები მოგვეპოვება: იყო ბაგრატ III-ის ძე; მოღვაწეობდა ხახულის ლავრაში, სადაც, გიორგი მცირე|გიორგი მცირის გადმოცემით, მას ლოცვა-კურთხევის მისაღებად წარუდგინეს 10 წლის გიორგი მთაწმიდელი. ბ. ბ. ძ-ს ეკუთვნის ექვთიმე მთაწმიდელისადმი მიძღვნილი საგალობელი კიდურწერილობით: „ღმერთშემოსილსა ევთიმის გლახაკი ბასილი შეამკობს“, რ-იც შემონახულია 1074 გადანერილ ათონის კრებულში (ხელნაწ. ინ-ტი, A-558). ანტონ I და იოანე ბატონიშვილი მას ახასიათებენ როგორც ღვთისმეტყველებასა და ფილოსოფიაში განსწავლულ მწიგნობარსა და მთარგმნელს.

წყარო და ლიტ.: გიორგი მცირე, ცხოვრება გიორგი მთაწმიდელისად, წგ.: ძველი ქართული აგიოგრაფიული ლიტერატურის ძეგლები, წგ. 2, ილ. აბულაძის რედ., თბ., 1967; კ ე კ ე ლ ი ძ ე კ., ქართული ლიტერატურის ისტორია, ტ. 1, თბ., 1960; მ ე ტ რ ე ვ ე ლ ი ე., ქართული ორიგინალური ჰიმნოგრაფიის ისტორიისათვის XI საუკუნეში, «ა. ს. პუშკინის სახ. თბილისის სახელმწ. პედ. ინ-ტის შრომები», 1952, ტ. 9.

ლ. ჯღამაია
